

## **Jes, Avino**

Verkita de Alekso MILLER

*(Avino sidas en seĝo en salono kun libro kaj parolas per telefono al sia nepino Ĵonja.)*

AVINO: Ĉu vi aŭdas min, Ĵonja?

*(En kuirejo Ĵonja kaj ŝia amikino ordigas kaj purigas aferojn dum la telefonado.)*

ĴONJA: Jes, avino.

AVINO: Do... ĉu vi trovis koramikon?

ĴONJA: Ankoraŭ ne.

AVINO: Nu, ne forgesu...

Tiu, kiu ne scias,  
kaj ne scias, ke li ne scias,  
estas stulta – evitu lin!

ĴONJA: Jes, avino.

AVINO: Sed...

Tiu, kiu ne scias,  
kaj scias, ke li ne scias,  
estas humila – instruu lin!

ĴONJA: Kompreneble, avino.

AVINO: Tamen...

Tiu, kiu scias,  
kaj scias, ke li scias,  
estas saĝa – sekvu lin!

*(La amikino de Ĵonja mane kovras la telefonon kaj mallaŭte interrompas la konversacion.)*

AMIKINO: Pri kio ŝi parolas?

ĴONJA: Mi ne scias.

**\*\*\* La Fino \*\*\***